

<https://news.usm.my>

Berita Mutakhir

27 MAR

EKSPEN 2015: PELUANG PELAJAR FAHAMI DUNIA PEKERJAAN



PULAU PINANG, 26 Mac 2015 - Ekspo Kerjaya dan Pendidikan (EKSPEN 2015) yang bakal berlangsung pada 3 dan 4 April 2015 dilihat mampu menyalurkan ruang untuk pelajar memahami permintaan dunia pekerjaan kini yang semakin kompetitif.

Timbalan Naib Canselor, Bahagian Hal Ehwal dan Pembangunan Pelajar (BHEPP), Universiti Sains Malaysia, Prof. Dr. Adnan Hussein berkata keunikan yang dibawa pada tahun ini adalah EKSPEN bukan sahaja menyediakan platform mencari pekerjaan semata-mata, malah aspek pendidikan turut diketengah bagi memberi penekanan berkaitan memahami pekerjaan itu sendiri.

“Sememangnya universiti ingin melahirkan pelajar yang bukan sahaja memahami pengajian yang dipelajari, malah mereka mampu menguasai kesesuaian bidang kerja dengan apa yang dipelajari semasa di universiti”

Tambah beliau, dengan ekspo yang dianjurkan ini mampu membuka minda para pelajar selain hanya tertumpu kepada bidang akademik di bilik-bilik kuliah sahaja.

Adnan menyeru semua pelajar USM dan institusi-institusi pendidikan sekitar Pulau Pinang untuk hadir memeriahkan EKSPEN 2015 selama dua hari berlangsung.

“Perancangan amat penting bagi setiap pelajar, ambillah kesempatan untuk menghadiri ekspo ini agar pelajar mempunyai ruang dan masa bagi menyiapkan diri apa yang harus dilakukan sebelum menempuh alam pekerjaan”

Ekspen 2015 bakal diadakan di Dewan Utama Universiti (DPU), Universiti Sains Malaysia (USM) bermula jam 9.00 pagi sehingga 5.00 petang melibatkan lebih daripada 41 buah syarikat dan agensi pekerjaan yang bereputasi tinggi.

Antaranya San Disk Storage Malaysia Sdn. Bhd., Cisco, Jobstreet.Com, Securities Commission Malaysia, Hicom Teck See, Agilent Technologies Lda Malaysia Sdn. Bhd., Public Bank, Nippon Paint (M) Sdn Bhd, Toray Group, Maybank, Universiti Teknologi Petronas Dsbnya.

Maklumat lanjut sila hubungi secretariat EKSPEN 2015 di talian +604-653 6000 atau e-mel: gpc@usm.my (<mailto:gpc@usm.my>) atau facebook: www.facebook.com/EKSPENUSM (<http://www.facebook.com/EKSPENUSM>)Teks: Mohd Azrul Mohd Azhar

<http://usmtv.usm.my/index.php/component/contushdvideoshare/player/corporate-vids/ekspen-2015>
(<http://usmtv.usm.my/index.php/component/contushdvideoshare/player/corporate-vids/ekspen-2015>)



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015